

INUIT ATAQATIGIIT

Inatsisartuni



Aasiaat 3.marts 2017

Inatsisartut suleriaasianni § 37, imm. 1 naapertorlugu matumuuna Naalakkersuisunut imaatumik apeqquteqaateqarpunga.

Apeqqutit:

- a. 6 procentimik ilassutaasartoq ukiumut qanoq isertitaassutigineqartartigiva, takuuk Akileraartarnermik ingerlatsinermut inatsisip § 27, imm. 1?
- b. A-mut tunngatillugu; iluanaarutaajumaartussaq tunngavimmigut sunnerneqassanerpa tunngaviumik killigititaq 99 kr.-niit soorlu ass. 20.000kr-nut imaluunniit 40.000 kr.-ninut allanngortinneqarneratigut?
- c. Naalakkersuisut naatsorsuutiginerpaat (taamaassimassappallu qanoq annertutigisumik) tunngaviumik killigititap allanngortinneratigut (takuuk apeqq. B) tamatumalu nassatarisinnaassanerlugu Akileraartarnermut Aqutsisoqarfimmi ingerlatsinermi allaniluunniit aningaasartuutit qaffasinnerulernerinik?
- d. Naalakkersuisut isumaqarnerpat tunngaviumik killigititaasup annertuserineratigut suliffeqarfiit mikinerusut iluaquserneqarnerujumaartut?
- e. Naalakkersuisut ilisimatitsissutigisinnaanerlugu suliffeqarfiit qassit tunngaviumik killiliussap allanngortinneqarneratigut iluaquserneqarsinnaajumaartut, takuuk apeqqut b)?
- f. Naalakkersuisut akileraasusiisarnermi annertusiartuaartitsilluni aaqqiisinnaaneq qanoq nalilersinnaanerpaat, tamatumani suliffeqarfiit nutaat aallartinneqarneranni akileraarutitigut oqilisaasoqassappat?
- g. Naalakkersuisut periarfissatut isiginerpaat, ass. ukiuni 2-ni siullerni suliffeqarfinnut aallarterlaanut akileraarut appartinneqassagaluarpas?
- h. Naalakkersuisut suliffeqarfiit pillugit akileraarusiisarnernut tunngatillugu qanorpiaq pilersaarteqarnerpat?

(Inatsisartuni ilaasortat Peter Olsen, Inuit Ataqatigiit)

Tunngavilersuut:

Isumaqarpunga pingaaruteqartuusoq sulissutigissallugu nunatsinni suliffeqarfinnik nutaanik aallartitsisarnissaq kajumernartuusariaqartoq. Suliffeqarfinnut nutaanut uuttuutit ilagisarpaat, soorluli aamma qangali ingerlareersunut taamaattartoq, akileraarusiisarnikkut atugassarititaasut. Isumaqarpungami eqqarsaatersuutigisariaqarippat siunissami periarfissat qanoq ittuusariaqarnerusut, soorlu ilaatigut suliffeqarfiit akileraarusiisarnikkut nutaaliorfiginerisigut suliffeqarfinnik nutaanik aallartitsinissaq kajumernarnerulersissallugu.

Nalilersugassat aamma uaniittariaqarput ilumut akileraarusiisarnermi allannguiniaraani allannguutit ingerlatsinermi aqukkuminartuunissaat, tamatumali saniatigut eqqarsaatersuutigineqartariaqarluni taamatut allannguinnikkut akileraarusiisarnernup iluani atornerluisoqalersinnaanera il.il. Isertitanik akileraarusiisarnermi inatsimmi § 60 naapertorlugu suliffeqarfinnut/selskabinut akileraarutaasartoq 30%-iuvoq.

Suliffeqarfinnut akileraarut tunngaviatigut 99 kr.-nit annertunerusimappata Akileraartarnermut Ingerlatsinermut inatsimmi § 24, imm. 1 naapertorlugu (akileraarutitigut akiliutigisag 6%-mik

ilaneqartussaavoq). Taamaasillunilu suliffeqarfinnut akileraarut eqqortumik oqassagaani 31,8%-iulluni.

Qinnutigissavara apequtigisakka ullut suliffeqarfiusut 10-t iluanni akileqarumaartut.